

La «sera dils treis» cun quater

Maria Cadruvi ha discurreu cun quater gardists papals da Ruschein



Maria Cadruvi ha discurreu cun quater anteriurs gardists papals da Ruschein: Franz Klaiss, Michael Schwitter, Maria Cadruvi, Duri Coray e Christian Casanova (da sen.).

FOTO A. BEELI

■ (anr/abc) La «sera dils treis» ei a Ruschein in'instituziun locala. Gievgia vargada ha la gruppa d'interess puspei envidau ad ina serada interessanta. Maria Cadruvi ha discurreu cun quater gardists papals ch'ei stai a Roma. El fuvi envidaus ella habitaziun dil papa, ha *Franz Klaiss* raquintau. Ensemen cun dus auters camerats che maven proximamein a casa, suenter esser stai dus ni plirs onns en survetsch ella Guardia svizra, hagi el giu in'audiencia privata tiel patrun dil Vatican. Ei fuvagl onn 2001 e Gion Paul II dapi 23 onns en uffeci. Il papa hagi dumandau duront il cumiau con gitg ch'el hagi fatg

survetsch. «Dus onns», ha Klaiss rispundiu. Sin quei hagi papa Gion Paul II replicau: «Jesses, ed jeu sun dapi 23 onns cheu ed astgel aunc buc ir a casa.» Ils presents alla «sera dils treis» a Ruschein han stuiu rir. Igl ei buca stau ina sgnocca, denton il raquent dil gardist Klaiss ha commuentau ed animau da rir. Quater onns pli tard ei papa Gion Paul II morts. Lu fuvan ils dus camerats da Klaiss, *Michael Schwitter* e *Christian Casanova*, ella Guardia svizra. Ils eveniments da lu, il mars 2005, restan nunemblideivels per els. La mort da quei papa ha evocau ina grondissima concentraziun da gliעד a Roma. Schwitter ha ra-

quintau dallas colonnas e cadeinas da gliעד che seformavan, ei ha pariu ch'igl entir mund vegli ir sper la bara ora.

Informaziun, divertiment, cumpignia

Igl ei stau gis historic el center dalla cristianitad. Ils biars ella stanza dalla «sera dils treis» han s'udiu tier la generaziun da quei papa ch'ei staus da 1978 tochen 2005 silla sutga da sogn Pieder. *Duri Coray* ei il quart dils protagonistas dalla sera ch'ei staus ella Guardia svizra. Dil november 2009 tochen il matg 2013 ha el surviu a dus papas. Era la midada da *Benedetg XVI* tier *Francesctg* ei stada historica. Aposta per la «sera dils treis» ha

veva Coray tratg en l'uniforma da gala dalla Guardia svizra papala. El ha era mussau la hellebarda e puntuau che quella surveschi mo per sur vetschs d'honor e mai sco arma.

Duront duas uras han ils quater anteriurs gardists dau plaid e fatg a *Maria Cadruvi*. Sco mintga gada han ella e siu consort *Andreas Joos* capiu d'empustir il contact e svegliar las marveglias denter auditori e protagonistas. La «sera dils treis» ei in'occurrenza per e culs da Ruschein. Quei ei era stau il cass gievgia vargada. Igl ei stau la 24avla gada che la gruppa d'interess «da cumionza a Ruschein» ha organisau ina sentupada per la populaziun dil vitg. Varga 50 persunas ein puspei vegnidadas ed han gudiu la sera. El center ein mintga gada l'informaziun, il divertiment, la reflexiun, ed oravontut la cumpignia. Quei element ha dil reminent impurtonza centrala era ella Guardia svizra el Vatican. Tuts quater gardists da Ruschein han confirmau che la cumpignia e las amicezias, mo lu era la disciplina minuziada e rigurusa, s'audien tier la cultura da menaschi da quella truppa historica a Roma. Tuts quater anteriurs gardists han saviu confirmar ch'els hagian fatg leu in'experiencescha decisiva per lur veta. Casanova enonuscheva gia empau l'entira atmosfera tras ils raquents dil bab Toni. Quel ei staus gardist papal ed ha influenzau il fegl da far l'experiencescha unica. Suenter il discuers da bunamein duas uras han ils quater gardists da Ruschein offeriu als presents vin exclusiv dalla Guardia svizra. Igl ei stau ina purschida tipica. In migiel vin alv dalla regiun Castelli Romani ni Colli Albani ella vischinonza da Castel Gandolfo, la residenza da stad dils papas, s'auda tier la cumpignia. La proxima «sera dils treis» a Ruschein ei ils 3 da november 2019. Lu vegn il cau-fontauna *Toni Cadalbert* da Rueun a raquintar dall'aua sco pli custeivel bein dalla vischnaunca Ilanz/ Glion.